

欽定四庫全書

子部
全生指迷方卷二

詳校官太醫院吏目臣周世泰

編修臣倉聖脈覆勘

謄錄監生臣鄭啟緒



欽定四庫全書

子部五

提要

全生指迷方四卷

醫家類

臣等謹案全生指迷方四卷宋王貺撰按書

錄解題貺字子亨考城人名醫宋毅叔之婿

宣和中以醫得幸官至朝請大夫是書宋史

藝文志作三卷而傳本以絕故醫家罕所徵

引或至不知其名今檢永樂大典所收按條

欽定四庫全書

全生指迷方

掇拾雖未必盡符原本然大要已畧具矣方

書所載大都皆標某湯某丸主治某病詳其

藥品銖兩而止獨貺此書於每證之前非惟

具其病狀且一一論其病源使讀者有所據

依易於運用其脈論及辨脈法諸條皆明白

曉暢凡三部九候之形病證變化之象及脈

與病相應不相應之故無不辨其疑似剖析

微茫亦可為診家之樞要謹詳加訂正分為



原序

余昔任左史遇疾瀕死考城王貺子亨為察衆工之用藥而余以生因以其所著全生方一編遺余藏之未暇讀也繼掌外制一日得異疾謀諸醫未決子亨笑曰毋恐此吾書所有也視某章病當某藥如方信宿而病良已於是始竒之歸居淮南去王城國偶有病祇訊於書謫三巴遷百粵去醫益遠又橐本以歸余余因為之表其端曰此書直而邃曲而通部居彪列而脉絡潛流形色昭彰而對治要妙知方者讀之智思橫生不知者猶可按圖而愈疾真衛生之竒寶濟物之良術也至理不煩至語不費余非知道者而於此乎取之子亨當官不苟遇世變嘗慨然再請出疆萬里其論著此書用心救世利物不特此矣吳敏序

欽定四庫全書

全生指迷方



自序

德彌大者常存乎好生之心志彌廣者每切于立言為
教在上世則有伊尹逮後漢乃見張機祖述神農之經
發明黃帝之道雖然術至通神之妙在乎知慮以為先
藥至起生之功必因精能而後效天無棄物非人莫知
所能人有常心非道莫知所適凝神自悟觸理皆分故
能贊益天機悉體陰陽之變深窮造化博極生死之源
候色驗形自契一時之理剖腸剖臆難傳後代之精至

欽定四庫全書

全生指迷方

于湯液除疴砭石起死必當研窮性味斟酌淺深治理
在于君臣協攻資乎佐使方書之行其來尚矣而人猶
不能刻意研求專心致志櫻邪抱病則束手無能制療
處方則委身紕繆余竊悲之于是採古人之緒餘分病
證之門類別其疑似定其指歸陰陽既明虛實可攷若
能按圖求治足以解惑指迷雖未起死回生庶幾扶危
拯困故號曰全生指迷以崇大倫之道焉考成王貺子
亨序



欽定四庫全書

全生指迷方卷一

宋 王貺 編

脉論

論曰人以天地之氣生四時之法成是以有五藏六府
四肢十二經三百六十五穴以象五運六氣四時十二
月周天之度陰陽變化與天地同流乖其氣逆其理則
陰陽交錯府藏偏毗脉行遲速榮衛失度百病從生非
脉無以探賸索隱所謂脉者乃天真之元氣有生之精

欽定四庫全書

全生指迷方

神精神去幹脉理乃絕故上古聖人體性鑒形剖別藏
府詳辨經絡會通內外各著其情氣穴所發各有賸名
善診脉者靜意視義觀其變於冥冥之中以神合神悠
然獨悟口弗能言先別陰陽審清濁而知分部視喘息
聽音聲而知病所生所謂陰陽者至者為陽謂隨呼而
出也去者為陰謂隨吸而入也動者為陽鼓擊躁急也
靜者為陰來去沈沈默默也數者為陽謂一呼一吸六
至也遲者為陰謂往來不滿三至也於三部九候之內



察其脉形有獨異者謂獨大獨小獨疾獨遲獨不應四時者乃受病之所也

辨五藏六府部位脉法

左手寸口脉浮取之屬小腸為府沈取之屬心為藏其經則手太陽少陰左手關上脉浮取之屬膽為府沈取之屬肝為藏其經則足少陽厥陰左手尺中脉浮取之屬膀胱為府沈取之屬腎為藏其經則足太陽少陰右手寸口脉浮取之屬大腸為府沈取之屬肺為藏其經

欽定四庫全書

全生指迷方

則手太陰陽明右手關上脉浮取之屬胃為府沈取之屬脾為藏其經則足太陰陽明右手尺中脉浮取之屬三焦為府沈取之屬心胞絡又屬右腎其經則手少陽厥陰

辨人迎三部趺陽九候五藏六府脉法

論曰診脉之法其要有三一曰人迎在結喉兩傍取之應指而動此部法天也二曰三部謂寸關尺也于腕上側有骨稍高曰高骨先以中指按骨謂之關前指為寸



部後指為尺部尺寸以分陰陽陽降陰升通度由關以
出入故謂之關此部法人三曰跌陽在足面繫鞋之所
按之應指而動者是也此部法地三者皆氣之出入要
會所以能決吉凶死生凡三處大小遲速相應齊等則
為無病之人故曰人迎跌陽三部不參動數發息不滿
五十未知生死以三者為決死生之要也故人迎一盛
病在太陽謂陽極也四盛以上為隔陽謂無陰以收也
寸口一盛病在少陰二盛病在太陰三盛病在厥陰厥

欽定四庫全書

全生指迷方

有盡也四盛以上為關陰謂無陽以繫也隔陽者氣上
而不能下則吐逆關陰則閉塞大小便不通皆死不治
九候者謂三部之位一位有三候浮取之屬陽沈取之
屬陰中得之為胃氣故無胃氣則死五藏之脉輕手于
皮膚得之者肺也至肌得之者心也至肉得之者脾也
至筋得之者肝也至骨得之者腎也五者輕重皆應是
謂五藏之氣全也又有推而外之在經絡推而內之在血
脉凡診平人之脉當以平旦陰氣未動陽氣未散飲食



未進脉絡調和可以見有餘不足之脉一呼行三寸一
吸行三寸呼吸行六寸而脉四至呼吸之間又一至此
盛脉得天全者也若過十息脉應五十動又須與氣相
應往來緩急得中潤澤如慢水流行源源者此壽脉無
疾也若不滿五十動一止此一藏之氣絕四歲死三十
動一止三歲死二十動以下一止期以歲月死若與形
氣不相應往來短促枯燥無首尾此不壽之脉而多病
凡診病脉則不以晝夜審脉所以察其由則寒熱虛實
見矣凡脉病人不病者死人病脉不病者生

欽定四庫全書

全生指迷方

診諸病證脉法

論曰脉變于內病形于外相參以察其理氣熱脉滿是
謂重實脉實以堅謂之益甚上下相失不可數者死謂
至數也脉口熱而尺反緩皮膚外證也滑則從濇則逆
寸口膚熱而尺膚寒絡氣不足也尺膚熱脉滿寸口膚
寒脉濇是經氣不足絡氣有餘也脉寸虛尺虛是謂重
虛重虛者死寸虛者病情無常神不守也尺虛者行步



恒然脉滑則生濇則死脉急大堅尺濇而不應謂之形
滿手足溫則生寒則死乳子中風熱喘鳴肩息脉緩則
生急則死下痢白沫脉沈則生浮則死下痢膿血脉懸
絕則死滑則生浮濇之脉身有熱者死癩疾之脉搏大
而滑久久自己脉小堅急死不治人病口甘而渴此數
食甘美而多肥五氣之溢也謂之脾瘴病人口苦此因
數謀慮不決膽虛氣上溢是謂膽瘴凡消瘴之脉實大
病久可治病人身熱如炭頸膺如格人迎躁盛喘息氣

欽定四庫全書

全生指迷方

逆太陰脉微細如髮者死不治謂氣口與人迎不相應
也心脉滿大癰癥筋變肝脉小急癰瘕筋攣肝脉驚暴
有所驚駭無故而瘖脉不至不治自己謂氣暴厥也氣
復則已腎脉小急肝脉小急皆為瘕肝脉併沈為石水
併浮為風水併虛為死併小弦為驚腎脉大急沈肝脉
大急沈皆為疝肺沈搏為肺疝太陽急為瘕膀胱氣也
太陰急為脾疝少陰急為癰厥心病也少陽急為驚膽
病也脾脉沈鼓為腸癖由飽食而筋脉橫解腸癖為痔



胃脉沈鼓瀋胃外鼓大心脉小急皆為偏枯年不滿二十者三歲死脉至而搏血衄身熱者死心肝脉小沈瀋為腸癰心脉至如喘名曰暴厥不知與人言脉至如數使人暴驚三四日自已肺脉有餘病皮痺閉不通而生癢疹不足病肺痺寒濕脾脉有餘病肉痺寒中陰隔塞也不足病脾痺肝脉有餘病筋痺脇滿不利不足病肝痺腎脉有餘病骨痺身重不足病腎痺凡陰病見陽脉者生謂病人四肢厥惡寒多汗脉得洪大數實也陽病見陰脉者死謂病人身熱狂躁譫言欲飲水脉得沈細微遲也

欽定四庫全書

全生指迷方

辨脉形及變化所主病證法

浮脉之狀在皮膚輕手得之重按則似有若無王於秋主肺主風主虛乏短氣秋得之為順春得之為賊邪冬得之為虛邪夏得之為實邪又為微邪其病不治自愈純浮為感風浮弦為虛勞浮緊為風寒浮芤為衄血浮滑為風痰浮洪為風氣壅滯浮微為氣不足浮緩為風



虛四肢不隨浮漚為傷肺咯血浮遲為傷憊浮弱
為虛損浮濡為氣血俱不足又看見于何部位以臟腑
經絡推之餘皆倣此消息

沈脉之狀取于肌肉之下得之主藏病沈滯伏匿在寸
為心肺鬱伏悲憂不樂在關為肝脾不利中滿善噫臍
脹濕勝則腫滿澹泄食不化支膈脘脇滿善恐在尺則
為石水腹腫硬以指彈之殼殼然有聲小便澁沈緊為
腸間積寒痛沈澁結為五氣積聚成形沈數或疾為骨

欽定四庫全書

全生指迷方

蒸沈滑為腎消骨枯善渴小便數純沈為腫重足膝不
利不得履地得之于陰濕之氣沈而微五藏氣衰骨痿
不能起

遲脉之狀往來極遲一息三至為陰盛陽虛之候若手
足厥不回者死五藏氣短不能朝于氣口肺腎俱衰也

太素脉訣作
肺腎俱絕

陳無擇三因方云遲者應動極緩與人

迎相應則濕寒凝滯與氣口相應則虛冷沈積遲為寒
為痛遲而漚為癥瘕咽酸



數脉之狀往來急數一息六至為陽盛陰微之候寸脉見之為熱為燥為煩左關為目赤頭疼煩滿右關為口臭胃煩嘔逆尺中見為小便黃赤大便閉澀與人迎相應為熱與氣口相應或為瘡

洪脉之狀大而隱指若大而散漫是謂氣衰大而浮風客于衛欬出青黃膿如彈丸大若不出則傷肺下利得脉大利益甚霍亂得之則吉又其脉主夏屬心

虛脉之狀浮大無力遲而且柔又如蜘蛛絲此陽氣衰

欽定四庫全書

全生指迷方

少陰氣獨居為多汗亡陽形氣蕭索其人不壽

散脉之狀浮而無力至數不齊渙漫不收更甚于虛或來多去少按之如無此氣血俱虛根本脫離之候左寸軟散為陽虛不斂右寸見之為氣耗汗出肝脉軟散色澤者當病溢飲脾脉得之色不澤當病足胻腫尺脉見散為精氣衰耗又產婦得之生孕婦得之死

芤脉之狀如浮而大于指面之下其形中斷又如流水不相續或如瀉漆之形斷而倒收又似弦而軟

太素脉訣云芤



脈之狀中 空弦散 主吐血嘔血衄血男子失精婦人胞漏半產	血崩又曰其狀弦大弦則為減大則為芤弦芤相搏此	名為革金刑木而傷肝也芤而滑嘔吐甚則亡血芤而	數陽陷陰中血妄行芤而緊風冷入血下血如豚肝臍	腹痛死不治芤而弦因失血致勞傷芤而微或散久成	血枯	濡脈之狀極軟弱如以指按水中綿如有如無 <small>太素脈</small>	<small>部脈形按</small> 之極小 為陰陽俱不足濕冷霧露之氣所傷為病頭	欽定四庫全書 全生指迷方	重如以濕熱之物裹首大筋軟短小筋弛長為痿弱骨	不能立又為亡津液精神不收 <small>十便良方云精神乾急</small>	<small>冷濕氣也</small> 又為脛瘦枯細手足常厥冷肉理不密	微脈之狀極微或似有似無為氣血不足為虛憊亡血	亡汗小便數或白濁若微數為陰虛客陽內熱穀氣少	也若在尺部腎脂枯髓不滿骨若在左關則肝虛血不	足目視瞢瞢筋緩弱若在右關則虛滑泄注穀不化腸	鳴及漿粥不入胃若在右寸則為肺損背寒口中如含
-------------------------------	-----------------------	-----------------------	-----------------------	-----------------------	----	---------------------------------------	-------------------------------------------	-----------------	-----------------------	---------------------------------------	-------------------------------------	-----------------------	-----------------------	-----------------------	-----------------------	-----------------------



霜雪效嗽肌疎不可以風短氣若在左寸為心虛恍惚
憂思不樂多恐如人將捕之若六部俱微則陽不及四
肢足脛冷手足厥常欲湯火煖之 陳無擇三因方云
微者極細而軟似有若無與人迎相應則風暑自汗與
氣口相應則微陽脫泄八裏病脉微為虛為弱為衄為
嘔為泄為亡汗為拘急微弱為少氣為中寒

革脉之狀渾渾革至如湧泉謂出而不返也為陰氣隔
陽又為溢脉蓋自尺而出上于魚際亦謂之離經無根

欽定四庫全書

全生指迷方

本也又覆脉之狀自寸口下退過而入尺皆必死之脉
也

伏脉之狀重于沈指下尋之方得蓋時見時隱也

太素脉訣

云伏脉之狀其形沈伏隱隱其位

此陰陽之氣相伏也或陰中伏陽

中伏陰脉疾為伏陽內熱身雖寒而不欲蓋衣脉遲小
有來無去此伏陰在內陽氣不得入也其人身雖熱而
但欲覆被向火脉實者有伏氣在內濇者有動氣在左
則左病在右則右病在尺則居臍上下居臍上為逆居



臍下為從

牢脉之狀如弦而實尋之則散

太素脉訣云指下尋之不動

為五勞

六極七傷之病若加數疾則發熱加短遲則發寒疾遲

不常為寒熱支體迫急情思不樂

實脉之狀舉按有力重按隱指幅幅然氣不利亦主伏

陽在內蒸熱勞倦胃氣壅塞為內癰實數為三焦閉熱

大便秘實滑為癖飲癥瘕留聚之病實大為氣盛閉寒

太素脉訣實大作實洪

實沈為藏府氣不通帶短

太素脉訣云實而短

為宿

欽定四庫全書

全生指迷方

穀不化

弱脉之狀小而無力為精不足短氣表裏俱衰為暴下

陰併于陽汗出不止者死又為脚弱筋緩足不能履地

惡寒不可出風

細脉之狀細細如線

太素脉訣云其形細微

陰氣勝陽也又為手

足寒氣少慘慘不舒暢又血不榮于四肢謂寒則澁而

不流行也

太素脉訣云又主冷洩痢

緩脉之狀不遲不疾一息四至往來得中實得土氣

太素



脈訣云緩脈之 狀如柳葉也 緩甚為病四肢不收受濕而痺緩而沈	脾氣滯志意不舒展氣痞多噎緩而澹肌肉不仁津液	不流行榮衛失度因以致風緩而微為消氣緩而滑為	熱中多食緩而短穀不化為澹泄緩而浮為風譚曳	陳無擇三因方云緩者浮大而軟去來微遲與人迎相	應則風熱入藏與氣口相應則怒極傷筋緩而在下為	風為寒為弱為痺為疼為不仁為氣不足為眩暈緩而	滑為熱中緩而遲虛寒相搏食冷則咽痛	欽定四庫全書	全生指迷方	澹脈之狀往來極澹如水不能流或聚于指下或綿綿	如瀉漆斷而倒收又似止非止	<small>太素脈訣云澹脈之狀 如刀口到指不離其所</small>	主男子亡血失精婦人胎妊不成月候凝澀或崩傷不	止五帶敗血在腹或血瘕成形筋急寒痺浮澹為肺病	咯血欬嗽虛勞澹中時弦為金木相剋脇下痛不得臥	者死在左寸為心痺寒慄病積澀血在左尺為病小腹	積氣在右關則病心腹時滿在左關則病筋急積寒	結脈之狀大小不定往來不拘數至時一止主氣不流
---------------------------------	-----------------------	-----------------------	----------------------	-----------------------	-----------------------	-----------------------	------------------	--------	-------	-----------------------	--------------	----------------------------------------	-----------------------	-----------------------	-----------------------	-----------------------	----------------------	-----------------------



行腹中癥瘕氣塊成形或因大病後亡津液亡血或驚
恐神散而精不收或夢漏亡精又多慮而心氣耗也若
無是因則其人壽不過一二年
代脉之狀其來如斷絕而相待其息以至時搏而動主
血氣虧損或驚憂積甚形氣不相得也

滑脉之狀指下如水之流或如轉珠無滯礙

太素脉訣云不緩不

洪不實如珠之形主嘔吐主飲滑而弦細者為支飲欬逆倚息

面浮腫滑而緊停寒積飲吞酸腸間漉漉有聲滑而弦

欽定四庫全書
全生指迷方

留飲在胃頭痛而眩滑而數為中暍甚則為瘧手足癱

瘕搐搦也滑而緩熱中消穀引食滑而細沈為消渴帶

微為消中不渴小便數滑實為氣盛上熱滑大而數為

心氣熱越多汗滑而微小為無力盜汗在尺滑為狐風

疝在右手寸口為肺風疝在右關則為脾風疝在左關

則為肝風疝

緊脉之狀如按繩激指三部通度與弦相似而有力舉

按皆有餘主中寒腹痛切急在寸口則中寒口噤頭痛



惡寒欲得覆被火灸在關上則胃冷吞酸中脘臍腹痛
下利筋寒或轉筋霍亂效嘔膽汁緊數為冷熱痢下膿
血或身熱飲食如故有痛處則結癰疽在尺為寒疝痛
促脈之狀自尺上寸口促急有來無去太素脈訣作有
來時止復來
此榮衛無度數陰氣促陽也又腎氣離經升而不降又
為無陰而陽無以繫也若時氣促數上出寸口此陽併
于血病赤斑十死一生若脈見斷絕為黑斑獨陽攻藏
氣絕死不治

欽定四庫全書

全生指迷方

動脈之狀鼓動而暴于指下不常氣血相乘搏擊而動
也或鼓于陽則一陽為鈎如夏脈之盛或鼓于陰則一
陰為毛如秋氣之急切勁烈鼓陽勝急曰弦陰緩而陽
急也鼓陽至而絕曰石陽辟陰孤也陰陽相過曰溜氣
相鼓作而動也

弦脈之狀如張弓弩弦應指有力重按則軟弱太素脈
訣云狀

如琴主春氣主肝藏主虛主痰主瘧主勞弦而微氣不

足筋緩不榮弦急似數非數綿綿之狀勞傷氣促急四



肢煎厥無首尾而促疾虛勞不足弦弱而疾夜多盜汗	弦短而大榮衛勞傷內急外緩兼數則熱目視眈眈血	不足也兼遲則寒筋脉急攣弦濇因失血女子則月閉	血瘦弦緊為虛寒裏急寒疝少腹痛面青下利弦遲而	濇出入無首尾為寒閉血少筋乾急	血脉痺得之風冷濕氣也	短脉之狀往來極短不待息盡而回或無首尾但見于	指面亦不待氣來而至其人短氣息急或不能長息又	為大下脫氣又主久病	長脉之狀往來指下息隨而盡其有餘如操帶物之長	<small>太素脉訣云長脉之狀來往至長</small> 稟賦氣強勝血而氣擁其人壽若加	大而數為病陽盛內熱當利三焦					
-----------------------	-----------------------	-----------------------	-----------------------	----------------	------------	-----------------------	-----------------------	-----------	-----------------------	---------------------------------------------	---------------	--	--	--	--	--



欽定四庫全書

全生指迷方卷二

宋 王貺 編

寒證

論曰若其人洒淅惡寒但欲厚衣近火隱隱頭重時痛
鼻塞塞濁涕如膿欬動輒汗出或無汗甚則戰慄此
由寒中于外或因飲冷傷肺胃內外合邪留而不去謂
之感寒寒從外至者兩手寸口脉俱緊或但見于右寸
寒從內起者其脉遲小無汗者小青龍湯主之有汗者

欽定四庫全書

全生指迷方

溫肺湯主之

小青龍湯

五味子

細辛
去苗

乾薑

半夏
湯洗七遍

甘草
炙各一兩

右為散每服五錢水二大盞薑三片棗一箇擘破同

煎至八分去滓溫服

溫肺湯
方缺

若陰寒積冷心腹大痛嘔逆惡心手足厥冷心胸不快



腰背疼痛良薑湯主之

良薑湯

高良薑

一兩剉
碎炒

官桂

一兩
去皮 當歸

兩剉炒 乾薑

一塊
炮

人參

一兩
去蘆

吳茱萸

七錢
半炒

白茯苓

一兩
兩

附子

半兩
炮

右為散每服二大錢水一盞半入生薑五片煎至七

分去滓空心服

若但寒頭重動眩暈肌肉痛牽急不得轉側黎黎汗出

惡寒小便難大便反快短氣足寒或時咽痛微熱此由

欽定四庫全書

全生指迷方

寒濕客搏經脉不得發泄其脉遲緩而小弦附子湯主

之除濕湯亦主之

附子湯

附子

一箇炮
去皮臍

白朮

二兩
炒

茯苓

白芍

各三
兩

人參

二
兩

右為散每服二大錢水一盞半入生薑三片煎至七

分去滓空心服

除濕湯

方缺



熱證

論曰陰不足則陽偏陽偏則發熱若熱從背起自手足
漸漸周身口舌乾燥欲飲食而不能此由陰氣虧少少
水不能制盛火諸陽起于四末循行于背陰不能斂陽
陽氣獨行所以發熱或晝發而夜寧或夜發而至旦即
清其脉虛疾而小芍藥黃耆湯主之

芍藥黃耆湯

芍藥

三錢

黃耆

甘草

炙

青蒿

陰乾各一兩

欽定四庫全書

全生指迷方

右為散每服五分水二盞煎至一盞去滓食後溫服

若熱從腹起上循胸腋繞頸額初微而漸至大熱發無
時遇饑則劇中脘不利善食而瘦其色蒼黃肌肉不澤
口唇乾燥由脾氣素弱會因他病悞服熱藥入于脾脾
熱則消穀引飲善消肌肉其脉濡弱而疾參橘丸主之
若嗽者用加減法及灸脾膈百壯

參橘丸

橘皮

三兩洗

麥門冬

去心

人參

去蘆各一兩



右為末煉蜜為丸如梧桐子大食前米飲下三十九
若嗽加五味子一兩

若熱從腹中或從背起漸漸蒸熱日間劇夜漸退或寐
而汗出小便或赤或白而濁甚則頻數尿精夜夢鬼交
日漸羸瘦由思慮太過心氣耗弱陽氣流散精神不藏
陰無所使治屬虛勞大建中湯主之

大建中湯

芍藥

兩六

黃耆

遠志

去心

當歸

洗

欽定四庫全書

全生指迷方

澤瀉

兩各三

龍骨

人參

甘草

炙各二兩

右為散每服五錢水二盞棗二個擘破薑五片同煎

至一盞去滓食後溫服腹中急加錫如棗大

若自腰以上發熱熱及則汗出出已而涼移時如故復

加昏冒腹中膨脹其氣上攻時時欬嗽引脇下牽痛

睡則驚悸其脉弦急疾由外寒客搏內冷相合寒則氣

收而水液聚內化成飲醫以熱藥攻寒寒閉于內熱增

于上陽氣不下行故散越于上發而為熱散而為汗汗



多亡陽心氣內虛故令驚惕治屬飲家旋覆花丸主之

旋覆花

桂心

枳實

人參

各五分

乾薑

芍藥

白朮

茯苓

各六分

狼毒

烏頭

炮去皮

礬石

火煨一分

甘遂

三分炒

細辛

去苗

大黃

濕紙裹煨

黃芩

葶藶

炒

厚朴

去皮薑汁炒

吳茱萸

炒

芫花

炒

橘皮

洗各四兩

右為細末煉蜜和丸如梧桐子大米飲下三丸未效

欽定四庫全書

全生指迷方

加至七丸小兒黃米大二丸

若熱起骨間煩疼手足時冷早起體涼日晚即熱背脊

牽急或骨節起凸足脛酸弱由陰不足而陽陷陰中熱

留骨體髓得熱則稀髓稀則骨中空虛陰虛水少脂枯

故蒸起其脉沈細而疾治屬骨蒸補髓丸主之

補髓丸

生地黄

日乾三兩

乾漆

半兩碎炒

令烟盡

右為末煉蜜為丸如梧桐子大飲下三十九空心臨



臥服

若自胸以上至頭發熱口鼻氣色時如烟薰目澀咽燥
唾如凝脂時效毛竦大便不利小便赤由肺不調邪熱
薰上焦其脉疾大先服桔梗湯熱不退者五味子湯主
之

桔梗湯

桔梗 兩

人參

麥門冬 去心

甘草 炙各五錢

小麥 合一

欽定四庫全書

全生指迷方

右呔咀水三升煎至一升去滓分三服

五味子湯 指南方治發熱甚不退

柴胡 去苗洗四兩

半夏 湯洗七遍一兩一分

黃芩

五味子

赤茯苓 分兩

原缺

右為散每服五錢水二盞薑五片棗二箇擘破同煎

至一盞去滓溫服

若但熱不歇日晡尤甚口中勃勃氣出耳無所聞晝多
昏睡睡即浪言喜冷小便赤澀大便通由三陽氣盛蘊



於經絡內屬府藏或因他病而致疾其脉短疾而數柴
胡芒硝湯主之

柴胡芒硝湯

柴胡

四兩洗
去苗

黃芩

甘草

炙

赤茯苓

各一
兩半

半夏

湯洗七遍
一兩一分

右為散每服五錢水二盞生薑五片棗二箇擘破同

煎至一盞去滓入芒硝一錢攪和溫服以大便利

為度

欽定四庫全書

全生指迷方

若身大熱背微惡寒心中煩悶時時欲嘔渴不能飲頭
昏重痛惡見日光遇涼稍清起居如故由飲食失時胃
中無穀氣熱蓄于胃口中腕熱則三陽不下降而上聚
于腦又胃主陽明經而惡熱其脉虛大而數久則細小
謂之中暑初即服好茶一杯立愈不即治之留而在胃
別致他病生薑竹茹湯主之

生薑竹茹湯

竹茹

雞子
大

人參

兩半

葛根

兩半

生薑

一錢
切



右為散水三盞煎至二盞去滓分二服不拘時服	
若間日發熱發必數欠頭痛拘倦由肺素有熱氣盛于	
身厥逆上衝中氣實而不外泄其氣內藏于心外舍于	
分肉之間令人消爍脫肉其脉弦大而數謂之瘧瘧柴	
胡栝樓湯主之	
柴胡栝樓湯	
柴胡	<small>去苗洗 八錢</small>
芍藥	
人參	
甘草	<small>炙各 三錢</small>
半夏	<small>湯洗七遍 二錢半</small>
栝樓	<small>二錢</small>
欽定四庫全書	
全生指迷方	
右呔咀水二升生薑十片棗二個擘破同煎至一升	
分三服去滓服 大熱者去芍藥栝樓用黃耆三	
錢即名小柴胡湯	
若身熱汗出煩滿不為汗解由太陽之經先受風邪與	
熱相搏腎氣厥則煩滿謂之風厥澤瀉湯主之	
澤瀉湯	
澤瀉	<small>半兩</small>
白朮	
防風	<small>各二兩</small>
石膏	<small>研</small>
赤茯苓	<small>各一兩</small>



右為散每服五錢水二盞煎至一盞去滓溫服

若四肢發熱逢風如炙如火由陰不勝陽陽盛則熱起

于四末少水不能滅盛火而陽獨治于外兔絲丸主之

兔絲子丸

兔絲子

先于白內杵百
下篩去雜物末

五味子

各一兩

生乾地黄

三兩
焙

右為末煉蜜和丸如梧桐子大飲下三十粒食前服

若發熱耳暴聾頰腫脇痛脰不可以運由少陽之氣厥

欽定四庫全書

全生指迷方

而熱留其經宜小柴胡湯若口乾溺赤腹滿心痛由熱

留于手少陰之經其氣厥也赤茯苓湯主之

赤茯苓湯

赤茯苓

四兩

甘草

生一兩

木香

半兩

右為散每服五錢水二盞煎至一盞去滓溫服

風食

論曰若其人翕翕如熱淅淅如寒無有時度支節如解

手足酸痛頭目昏暈此由榮衛虛弱外為風邪所乘搏



又方	慎不可用	極大而老者是尋常所用白色者乃老宿前胡也	去滓溫服凡用獨活須紫色有成白子者蓋羗活	右以水三盞煎荊芥汁至一大盞再入獨活煎一半	獨活 <small>半兩</small>	荊芥穗 <small>一兩</small>	獨活湯	風痙脉繫大者不可治獨活湯主之	欽定四庫全書	全生指迷方	若忽然牙關緊急手足癱瘓目直視此風客血經謂之	右為末每服五錢水二盞煎至一盞去滓溫服	甘草 <small>炙半兩</small>	黃耆	芍藥	桂 <small>去皮各一兩</small>	柴胡 <small>去苗二兩</small>	當歸 <small>切細焙</small>	白朮	人參	荊芥穗	荊芥散	于陽則發熱搏于陰則發寒久不治成勞氣荊芥散主之
----	------	---------------------	---------------------	----------------------	----------------------	-----------------------	-----	----------------	--------	-------	-----------------------	--------------------	-----------------------	----	----	------------------------	------------------------	-----------------------	----	----	-----	-----	------------------------



煎荊芥濃汁于盆中坐病人于上薰蒸然後淋洗之

若寒熱如瘧不以時度腸滿膨脝起則頭暈大便不通或時腹痛胸膈痞悶此由宿穀停留不化結于腸間氣道不舒陰陽交亂備急丸主之

備急丸

大黃

濕紙
裹煨

巴豆

去皮心
及油

乾薑

去皮
等分

右為細末煉蜜和丸如豌豆大每服一丸米飲下羸

欽定四庫全書

全生指迷方

人服一丸如菉豆大以便快利為度

風濕

論曰若身體疼心煩口燥欲得水而不能飲額上微汗背彊欲得覆被向火其脉浮虛或日晡發熱或身重汗出而脉但浮或掣痛不得屈伸近之則痛極短氣或身微腫或發熱面黃而喘鼻塞而煩脉大自能飲食此由汗出當風或因冒濕冷復遇風邪之氣閉固腠理病名風濕麻黃加朮湯主之



<p>日晡發熱者薏苡仁湯主之</p>	<p>掣痛不得屈伸者甘草附子湯主之</p>	<p>鼻塞塞氣不通者瓜蒂散主之</p>	<p>惡風身體重者防己湯主之</p>	<p>麻黃加朮湯</p>	<p>麻黃 <small>去根節 三兩</small> 桂心 <small>二兩</small> 甘草 <small>炙一兩</small> 白朮 <small>四兩</small></p>	<p>杏仁 <small>湯洗去皮 尖半兩</small></p>	<p>右為散每服五錢水二盞煎至一盞去滓溫服</p>	<p>欽定四庫全書 全生指迷方</p>	<p>薏苡仁湯</p>	<p>麻黃 <small>去根節 三兩</small> 杏仁 <small>去皮尖 半兩</small> 甘草 <small>炙</small> 薏苡仁 <small>各一兩</small></p>	<p>右為散每服五錢水二盞煎至一盞去滓溫服</p>	<p>甘草附子湯</p>	<p>甘草 <small>炙二兩</small> 附子 <small>炮去皮 臍一兩</small></p>	<p>右為散每服五錢水二盞煎至一盞去滓溫服</p>	<p>瓜蒂散</p>	<p>瓜蒂 細辛 藜蘆 <small>去苗各等分</small></p>
--------------------	-----------------------	---------------------	--------------------	--------------	-------------------------------------------------------------------------------------------------	-----------------------------------	---------------------------	-------------------------	-------------	-----------------------------------------------------------------------------------------------------	---------------------------	--------------	--------------------------------------------------------	---------------------------	------------	--------------------------------------



右為細末每用半匙許內鼻中以氣通為度
防己湯

防己 四兩

黃耆 四兩

甘草 炙二兩

蒼朮 去皮三兩

右為散每服五錢水二盞薑二片棗一箇擘破同煎

至一盞去滓溫服

瘧疾

論曰寒熱之病或寒已而熱或熱已而寒或寒熱戰慄

欽定四庫全書

全生指迷方

頭痛如破身體拘急數欠渴欲飲冷或卒時而發或間

日而作至期便發發已即如常此謂之瘧瘧脉自弦弦

數多熱弦遲多寒此皆得之于冬中風寒之氣藏于骨

髓之中至春陽氣大發邪氣不能自出因遇大暑而後

與邪氣相合而發常山湯主之

常山湯

常山

知母

甘草

炙各三兩

麻黃

去節一兩

右為散每服五錢水二盞煎至一盞去滓溫服以糜



粥一盃助取汗為度

熱多者宜解之栝樓湯主之

栝樓湯

栝樓根

四兩

柴胡

去苗八兩

人參

黃芩

甘草

炙各三兩

右為末每服二錢水二盞生薑三片棗一箇擘開煎

至一盞去滓溫服

寒多者宜溫之薑桂湯主之

欽定四庫全書

全生指迷方

薑桂湯

乾薑

牡蠣

火煨通赤

甘草

炙各二兩

桂

去皮取心三兩

柴胡

八兩去苗

栝樓根

四兩

黃芩

二兩活人書用三兩

右為末每服五錢水二盞煎至一盞去滓溫服不拘

時候

寒熱等者宜調之鼈甲湯主之

鼈甲湯

鼈甲

湯浸刮令淨醋炙

白朮

常山

桂

去皮



柴胡

去苗各一兩

牡蠣

半兩火煨赤

右為散每服五錢水二盞煎至一盞去滓溫服

痺證

論曰若始覺肌肉不仁久而變生他證病名曰痺此由風寒濕三氣客于經絡舍于血脉搏于榮衛故令皮膚痺而不仁有熱則肌肉骨節煩疼有寒則冷以春得之在筋夏得之在脉秋得之在皮冬得之在骨四季得之在肌肉又久而不去各傳其藏筋痺不已舍之于肝夜

欽定四庫全書

全生指迷方

臥則驚飲食多小便數上為引如懷妊脉痺不已舍之于心其脉不通煩滿心下鼓暴上氣肌痺不已舍之于脾其狀四肢懈惰發渴嘔汁上為大塞皮痺不已舍之于肺其狀煩滿而喘嘔骨痺不已舍之于腎其狀善脹尻以代踵脊以代頭右證雖多必先肌肉不仁其始治當以增損小續命湯證狀小不同者當依本法病久入深魯公酒主之

增損小續命湯

方缺



<p>魯公酒</p>	<p>茵芋 石斛<small>去根</small> 川烏頭<small>炮去皮</small> 天雄<small>炮去皮</small></p>	<p>防己 躑躅花<small>各一兩</small> 細辛<small>去苗</small> 牛膝<small>去苗</small></p>	<p>甘草<small>炙</small> 栝子仁 通草 桂<small>去皮取心</small></p>	<p>秦艽<small>去苗土</small> 山茱萸 黃芩 瞿麥</p>	<p>附子<small>炮去皮臍</small> 茵陳蒿 杜仲<small>去皮</small> 澤瀉</p>	<p>防風 石楠葉 遠志<small>去心</small> 王不留行</p>	<p>生乾地黄<small>各半兩</small></p>	<p>欽定四庫全書 全生指迷方</p>	<p>右呔咀酒四斗漬十日每服一合常令酒氣相續</p>	<p>若胃乾而渴肌肉不仁由居處卑濕以水為事肌肉濡</p>	<p>漬痺而不仁是謂肉痿嬰粟湯主之</p>	<p>嬰粟湯 嬰粟<small>不計多少</small></p>	<p>右研細末煮稀粥入蜜飲之大解金石毒</p>	<p>若一邊足膝無力漸漸瘦細肌肉不澤上牽脇肋下連</p>	<p>筋急不能行步此由大病之後數亡津液血少不榮氣</p>
------------	--------------------------------------------------------------------------------------	-------------------------------------------------------------------------------------	-------------------------------------------------------------------	---------------------------------------------------	---------------------------------------------------------------------	----------------------------------------------------	-------------------------------	-------------------------	----------------------------	------------------------------	-----------------------	--------------------------------------	-------------------------	------------------------------	------------------------------



若始覺脚弱速灸風市三里二穴各一二百壯若覺熱	服	右為細末酒糊為丸如梧桐子大飲下三十九食前	杜仲 <small>去粗皮搗爛酒拌炒乾二兩</small>	兔絲子 <small>揀淨酒浸透乘潤搗爛焙二兩</small>	鹿茸 <small>去毛切作片子酥炙五兩</small>	鹿茸丸	乾地黃 <small>二兩</small>	牛膝 <small>二兩</small>	附子 <small>炮去皮臍半兩</small>	乾漆 <small>半兩炒烟盡為度</small>	白朮 <small>各一兩</small>	乾地黃 <small>二兩</small>	當歸 <small>洗</small>	芍藥	續斷	活血丹	不能舉活血丹主之	弱不運肝氣虧損無血以養筋筋不榮則乾急而痛亦
欽定四庫全書																		
全生指迷方																		
半兩																		
仲一兩乳香威靈仙木鼈子仁草烏頭白芥子各																		
前服加至五十九丸如痛甚足痿不能行去朮加杜																		
右為細末酒糊為丸如梧桐子大溫酒下三十九食																		



悶慎不可灸大忌酒麪房勞灸風市穴使病人平立垂
兩手合手著腿中指尖頭即是穴三里穴在足膝蓋下
三寸外廉按之陷中是又法以指深按之則足跌陽脉
不見為準

勞傷

論曰古書有五勞六極七傷皆由勞傷過度或五藏六
府互相尅賊一藏偏損五行逆伏以至盡絕皆謂之虛
勞也

欽定四庫全書

全生指迷方

若日頓羸瘦短氣腰背牽急膝脛酸痿小便或赤或白
而濁夜夢紛紜或夢鬼交翕翕如熱骨肉煩疼由房勞
過度或思慮過多皆傷神耗精之由得之心腎其脉細
促大骨枯者不治微弱者可治脉大數甚不能食者死
大建中湯主之

大建中湯

見前發
熱門

氣病

論曰百病皆生于氣其始必由喜怒悲憂驚恐由是變



生形證不一若其氣起于一邊或左或右循行上下或在肌肉之間如錐刀所刺其氣不得息令人腹中滿由驚恐恚怒或冒寒熱留而不去為鬱伏之氣因氣流行隨經上下相搏痛久久令人痞悶其脉短濇謂之聚氣七氣湯趁痛散主之	
七氣湯 楊仁齋直指方云治七情相干陰陽升降氣道壅滯攻衝作疼	
京三稜	蓬莪茂
青橘皮	陳橘皮 洗
欽定四庫全書	
全生指迷方	
藿香葉	桔梗
桂 取	益智
香附子 去毛各一兩半	甘草 炙三分胡氏經効方有沈香半兩無
陳橘皮	
右為散每服五錢水二盞生薑二片棗二枚煎至一盞去滓食前溫服	
趁痛散 可用方云治氣搏作痛肌肉之間如錐刀所刺胸膈痞悶	
蓬莪茂 炮	桂心 各一兩
檳榔	附子 炮去臍



細辛 去苗各半兩 芫花 炒別為末一分

右除芫花外共為末每服三大錢水一盞煎至七分去滓調芫花末一字溫服

若心下似硬按之即無常覺膨脹多食則吐氣引前後噫氣不除由思慮過多氣不以時而行則氣結又曰思則心有所存神有所歸正氣留而不行其脉澀滯謂之結氣參橘丸主之

參橘丸

欽定四庫全書

全生指迷方

橘皮 四兩洗

人參 一兩

右為細末煉蜜為丸如梧桐子大米飲下三十粒食

前服

若咽中如核嚥之不下吐之不出久不治之漸妨于食或由思慮不常氣結不散或因飲食之間氣道卒阻因而留滯因氣者謂之氣噎其脉緩澀因食者謂之食噎其脉短澀氣噎嘉禾散主之食噎神麴丸主之

嘉禾散 方缺



神麩丸	神麩 兩 炒 一	橘皮 兩 洗 二	右為細末煉蜜和丸如雞豆大每服一粒含化嚥津 若痛而遊走上下無常處脉亦聚散或促或瀯謂之遊 氣茂香散主之不止者延胡散主之
茂香散	蓬莪茂 兩 炮 一	人參 分 一	木香 錢 一
右為細末醋湯調方寸匕	欽定四庫全書	全生指迷方	
延胡散	延胡索 炒	當歸 分 洗 等	
右為細末醋湯調方寸匕			
若自咽嗝以下至臍左右氣各不相通氣上奔急攻右 臂痛如斧槌肌肉日消漿粥不下心中懊悶由肺經本 受寒邪留于右邊以肺在右或因以大熱藥攻寒寒本 在于經而不能散發于是火氣但逼于肺肺燥則氣上 迫但解藥毒然後理肺先宜灸肝散後宜理氣湯			



灸肝散

牡丹皮

柴胡

芍藥

各一兩

白朮

二兩

右為細末用豬肝三指許薄批糝藥末二錢慢火灸

熟細嚼米飲下食前服

理氣湯

疑即前七氣湯

栝子仁丸 史載之指南方多楮實子一兩治臂痛不

能屈伸筋脉攣急

栝子仁

炒研

乾地黄

各二兩

茯苓

枳實

麸炒去瓢

欽定四庫全書

全生指迷方

覆盆子

五味子

附子

炮去皮臍

石斛

去苗

酸棗仁

鹿茸

去毛截作片子酥炙

桂

取心

沈香

黃耆

各一兩

右為細末煉蜜和丸如梧桐子大酒下三十粒空心

服

若腹脇有塊大小成形按之不動推之不移久久令人

寒熱如瘧欬嗽面目浮腫動輒微喘日就羸瘦由暴怒

或驚恐氣上而不下動傷于肝氣結聚成形始得之在



肝其脉牢大而結不傳可治沈香煎主之

石斛

兩五

椒

去目炒
出汗

附子

炮去
皮臍

秦艽

去
土

柴胡

去
苗

鼈甲

煮刮去
筋膜炙

沈香

木香

檳榔

黃耆

各二
兩

右為末先用枸杞根新者十觔淨洗槌碎好酒二斗

煮至七升取出枸杞別用好酒三升拍洗令淨漉

去滓漉過并于前煎酒內更入熟蜜四兩再熬成

欽定四庫全書

全生指迷方

膏和藥末丸如梧桐子大飲下二十九食前服

血證

論曰諸陽統氣諸陰主血陰盛則陽虧而陽病陽盛則

陰虧而陰病陽氣侵陰血失常道故或吐或衄或從口

或從鼻若暴出而色鮮心煩躁悶時欲引飲出至三斗

陽入于陰也血得熱則流散譬如天地之經水天暑地

熱則經水沸溢而隴起故有內衄肺疽其證大同而小

異其脉洪數者為逆微小者為順宜梔子蘘皮湯煎金



胸上有留血其脉沈伏急須吐之人參散主之	若吐血服湯後轉加悶亂煩躁紛紛欲嘔顛倒不安由	若將地黃汁熬耗一半內大黃末同熬候可丸如梧	桐子大熟水下五粒未知加至十粒	生地黃汁 <small>觔半</small>	大黃 <small>末一兩</small>	地黃煎	右濃煮汁頓服立定	金花并莖葉陰乾不拘多少	煎金湯	右為散每服五錢水二盞煎至一盞去滓溫服	黃蘗	梔子 <small>各一兩</small>	甘草 <small>半兩</small>	梔子藥皮湯	女子則月事衰少不來病名血枯梔子藥皮湯主之	時時前後血此由素經大奪血或醉入房中氣竭傷肝	若吐血時先聞腥臊臭出清液胸脇支滿妨于食目眩	湯大熱者宜地黃煎
--------------------	-----------------------	----------------------	----------------	------------------------	-----------------------	-----	----------	-------------	-----	--------------------	----	-----------------------	----------------------	-------	----------------------	-----------------------	-----------------------	----------



人參散

人參蘆

右為末水調下一二錢

若血隨嘔出胸中痞悶嘔畢則目睛痛而氣急由怒氣

傷肝且血隨氣行因怒而氣併於血故血隨嘔出竹皮湯主之

竹皮湯

青竹皮

甘草炙

芎藭

黃芩

當歸

洗各六分

芍藥

白朮

人參

欽定四庫全書

全生指迷方

桂心

各一兩

右為散每服五錢水二盞煎至一盞去滓溫服

若先吐血血止後嗽嗽中血出如線痛引脇下日漸羸

瘦由悲憂傷肺肺主諸氣血常隨之氣傷則血無以運

故橫流而暴出後隨病而上下也其脉緩小者可治細

數加急者不可治黃耆湯主之

黃耆湯

黃耆

蜜炙一兩

白朮

炒二兩

人參

甘草

炙各一兩



白芍 一兩

陳皮 兩半

藿香 兩半

右為散每服四錢水一盞半煎至七分去滓溫服

若衄血吐血發作無時肌肉減少由氣虛弱或從高墮

下勞傷所致其脉虛弱當補陰平陽阿膠散主之

阿膠散

阿膠 一兩半 蛤粉拌炒

杏仁 泡去皮 尖七錢 甘草 炙

馬兜鈴 焙 牛蒡子 炒各一兩 糯米 一兩

右為細末熟水調下一二錢

欽定四庫全書

全生指迷方

若吐血腹中絞痛汗自出胸中悶由飲食傷胃胃氣不

轉氣上衝胸所食之物與氣迫促因胃裂白朮湯主之

白朮湯 缺方



欽定四庫全書

子部
全生指迷方卷四

詳校官太醫院吏目臣周世泰

編修臣倉聖脈覆勘

謄錄監生臣鄭啟緒



欽定四庫全書

全生指迷方卷三

宋 王貺 編

諸積

論曰若腹中成形作塊按之不移推之不動動輒微喘
令人寒熱腹中時痛漸漸羸瘦久不治之多變成水虛
勞亦由憂思驚恐寒熱得之陰陽痞滯氣結成形其脉
結澀謂之積氣萬安丸主之

萬安丸

欽定四庫全書

全生指迷方

大戟 炒

甘遂 炒

牽牛 炒

五靈脂

吳茱萸 炒

延胡索 炒各半兩

芫花 炒

石膏 細研各一分

膽礬 一錢研

細墨 燒一錢研

斑蝥 二十箇去頭足翅

巴豆 去皮出油一錢

芫青 四十箇去頭足翅

右為細末白麪糊為丸如菘豆大生薑橘皮湯下一

粒日二服病去六七分即住服 史氏指南方有

續隨子郁李仁信砒各一分無延胡索巴豆袁當

時大方有砒一分無斑蝥芫青巴豆



若左脇下如覆杯有頭足久不已令人發痰瘧寒熱效
或間日也始由肺病傳肝肝當傳脾脾乘王而不受邪
其氣留于肝故結而為積其脉澀結麝香丸主之
麝香丸

蓬莪茂 炮一兩 桂心 當歸 人參 各半兩

細辛 去苗 川烏頭 炮去皮臍各一分 巴豆 一分去皮出油

右為細末白麪糊為丸如菘豆大食後飲下三粒

史氏指南方無蓬莪茂有芍藥一兩

欽定四庫全書

全生指迷方

若心下如盤久不已令人四肢不收發黃疸飲食不為
肌膚始由肝病傳脾脾當傳腎腎乘王而不受邪氣留
予脾其脉緩澀時結謂之痞氣三稜煎主之 孫氏仁
存方云兼治食癥酒癥血蠱氣塊血瘕時發刺痛婦人
血分男子脾氣橫泄

三稜煎

京三稜 剉 蓬莪茂 剉各四兩 芫花 一兩

右用米醋三升煮令醋盡獨炒芫花令乾餘二味切



片子焙乾同為末白麪糊為丸如豌豆大橘皮湯下三粒以知為度	若從少腹上衝心胸咽喉發痛如狔肝狀發作欲死由脾病傳腎腎當傳心心乘王而不受邪氣留于腎結而為積其脉沈結謂之賁狔賁狔湯主之	賁狔湯	甘草 <small>炙</small>	川芎	半夏 <small>湯洗七遍</small>	芍藥	黃芩 <small>各二兩</small>	葛根	甘李根皮 <small>各五兩</small>	欽定四庫全書	全生指迷方	右為散每服五錢水二盞薑五片同煎至一盞去滓溫服 史氏指南方加當歸一兩 孫氏仁存方加乾薑一兩一分當歸二兩無葛根	若脉大而散時一結謂之伏梁伏梁丸主之	伏梁丸	青皮 <small>白馬尿浸三日令軟透切三十箇</small>	巴豆 <small>去皮十五箇與青皮同炒乾去巴豆不用</small>	羌活 <small>半兩</small>	右為末白麪糊為丸如菉豆大飲下五粒未知漸加
----------------------------	-----------------------------------------------------------	-----	---------------------	----	------------------------	----	-----------------------	----	-------------------------	--------	-------	-------------------------------------------------------	-------------------	-----	---------------------------------	------------------------------------	----------------------	----------------------



至十粒		若身體及髀股胛皆腫環臍而痛不可動動之為水亦		名伏梁椒仁丸主之		椒仁丸	
五靈脂		吳茱萸		延胡索		炒各半兩	
芫花		醋浸一宿		椒仁		甘遂	
續隨子		去皮		牽牛		炒熟各半兩	
石膏		火煨過		木香		各半兩	
附子		炮去皮臍		膽礬		一錢	
欽定四庫全書		全生指迷方					
右為細末白麪糊為丸如豌豆大橘皮湯下一粒早		辰日午臨臥服如婦人血分則去木香加斑蝥芫		青各三十枚去頭足翅炒當歸半兩		諸痛	
論曰諸心腹痛者或外邪來客或氣相干其卒然痛而		即止者此寒氣客于脉外得寒則縮蹇絀急外引小絡		得熱即止宜先用熨法後以良薑散主之		熨法	
指南方云治心腹痛卒然而止遇寒再發							



鹽 半斤炒
極熱

右以舊帛包熨痛處指南方云漸去至一重

良薑散

高良薑 五兩
厚朴 去皮薑汁
塗灸二兩

當歸

桂心 各三兩

右為散每服五錢水二盞煎至一盞去滓溫服

若腰者腎之外候足太陽經之流注如痛連小腹不得

仰俛懈懈短氣由腎氣虛弱有所不榮補腎散主之

欽定四庫全書

全生指迷方

補腎散

杜仲 去粗皮杵碎酒
拌炒焦一兩

桂皮 去

牡丹皮 各半兩

右為末每服三錢用豬腎一箇批開糝藥在內入鹽

少許以線紮定水煮熟空心食之

若隱隱腰痛以熱物熨痛處即少緩由處卑濕復為風

邪傷足太陽之經其脉緩澀白朮散主之

白朮散

白朮 二兩

芍藥 三兩

桂皮 去

附子 炮去皮臍
各一兩對



右為細末溫酒調二錢匕食前服

若腰痛不能轉側由勞役動傷經絡或從高墮下氣滯

于腰正氣流行相搏則痛其脉沈大小不常謂之腎腰

趁痛丸主之

趁痛丸

諸氣門見
趁痛散

若腰如錐刀所刺大便黑色小便赤黑此留血滯于腰

間謂之血瀝腰痛其脉澹當歸丸主之

當歸丸

欽定四庫全書

全生指迷方

當歸

三兩
剉碎

水蛭

好者炒
三十箇

桃仁

去皮尖三
十箇炒研

右為末酒糊為丸如梧桐子大酒下十粒未知加至

三十粒

若腰冷腹重如帶五千錢如坐于水由腎經為陰濕所

逼復受風冷久不治變成水病腎著湯主之

腎著湯

甘草

炙

乾薑

各二
兩

白茯苓

白朮

各四
兩

右為散每服五錢水二盞煎至一盞去滓食前溫服



若腰脊不舉由遠行勞倦逢大熱而渴陽氣內伐熱舍于腎水不勝火則骨枯而髓減蓋陽明併腎則腎脂枯而宗筋不調宗筋主束骨而利機關也是謂骨痿兔絲子丸補腎散主之
兔絲子丸
兔絲子 <small>揀淨酒浸透 搗爛焙乾</small>
乾地黄 <small>焙各二兩</small>
杜仲 <small>去粗皮杵碎酒拌一宿炒焦三兩</small>
牛膝 <small>酒浸一兩</small>
草薺 <small>一兩</small>
欽定四庫全書
全生指迷方
右為細末煉蜜為丸如梧桐子大飲下三十粒食前服
補腎散 <small>見前</small>
若脇痛不得息痛則欬而汗出由邪客于足少陽之絡屬膽宜灸足小指次指爪甲上與肉交處七壯竅陰二穴也
若臂外臃痛手不及頭心煩喉痺者由邪客于手少陽之絡以針刺手大指次指之端去爪甲如韭葉令血出



而止

若臂痛不能屈伸此邪客于臂掌之間取腕踝骨後以

指按之極痛刺之留二呼急出鍼或灸

若筋拘攣背急痛引脇下從項推下夾脊按之應手痛

者于其上灸七壯未定加至十四壯

若痛引小腹由寒氣客于厥陰之脉或脇肋相引腎肝

脉弦大久成寒疝桂枝烏頭湯主之

桂枝烏頭湯

欽定四庫全書

全生指迷方

桂心 三兩

芍藥 三兩

烏頭

炮去皮臍二兩半

甘草 二兩

右為散每服五錢水二盞薑五片棗一枚同煎至一

盞去滓入蜜半匙許再煎一二沸稍熱服

眩暈

論曰頭眩之狀謂目眩旋轉不能俛仰頭重不能舉目

不能開開則不能視物

史氏指南方云觀物如反或如浮水

或身如在舟

車上是謂徇蒙招尤目瞑耳聾下實上虛過在足少陽



或謂之痰眩旋覆花丸主之	氣不流行盤鬱不散氣上騰入腦腦滿則眩關脉沈弦	若頭眩發則欲嘔心下溫溫胸中如滿由胸上停痰胃	為末茶清調下一錢匕	右同炒候黃丹深紫色篩出黃丹不用只將白附子	白附子 <small>新羅者</small> 黃丹 <small>等分</small>	桃紅散	溫服不拘時	欽定四庫全書 全生指迷方	右為末每服三錢水一盞薑三片同煎至七分去滓	荊芥穗 <small>各半兩</small>	細辛 <small>去苗</small> 蔓荊子 <small>各一兩</small> 石膏 <small>研</small> 甘草 <small>炙</small>	芎藭 獨活 旋覆花 藁本 <small>去苗</small>	香芎散	紅散主之	厥陰由肝虛血弱則風邪乃生蓋風氣通于肝又曰諸	風掉眩皆屬于肝左手關脉虛弦謂之風眩香芎散桃
-------------	-----------------------	-----------------------	-----------	----------------------	---------------------------------------------	-----	-------	-----------------	----------------------	------------------------	-------------------------------------------------------------------------------------	--------------------------------	-----	------	-----------------------	-----------------------



旋覆花丸 <small>見前熱 證門</small>	若但運而不眩發則伏地昏昏食頃乃蘇由榮衛錯亂 氣血溷濁陽氣逆行 <small>指南云此由邪客諸氣陰陽特厥 上者不得下下者不得上上下相</small> <small>隔精神</small> 上下相隔氣復通則蘇脉虛大而澀謂之氣運 <small>散亂</small>	流氣飲子草烏頭湯主之	流氣飲子	紫蘇葉 青皮 當歸 芍藥 <small>洗</small>	烏藥 茯苓 桔梗 川芎	欽定四庫全書 <small>全生指迷方</small>	半夏 <small>湯洗七遍焙乾為 末薑汁和陰乾</small> 黃耆 枳實 <small>鉄炒 去瓢</small>	防風 <small>兩各半</small> 甘草 <small>炙</small> 橘皮 <small>洗各 三分</small> 木香 <small>一分</small>	連皮大腹 <small>劉薑汁浸一 宿焙一兩</small>	右為散每服五錢水二盞生薑三片棗一個同煎至	一盞去滓溫服	草烏頭湯	草烏頭 <small>去皮尖 生用</small> 細辛 <small>去 苗</small> 茶牙 <small>等 分</small>	右為散每服五錢水二盞煎至一盞去滓緩緩服盡
--------------------------------	------------------------------------------------------------------------------------------------------------------------------------------------	------------	------	----------------------------------	-------------	-----------------------------	---------------------------------------------------------------------	--------------------------------------------------------------------------------------------	------------------------------------	----------------------	--------	------	-----------------------------------------------------------------------------------	----------------------



若但欲仰視目瞑不能開開而眩唾出若涕惡風振寒
由腎氣不足動作勞損風搏于肺腎氣不足膀胱不榮
于外故使彊上瞑視因其勞而受風在肺故唾出若涕
而惡風謂之勞風芍藥黃耆湯主之

芍藥黃耆湯

芍藥 二兩

黃耆 三兩

川芎 二兩

烏頭 炮去皮 半兩

右為散每服五錢水二盞薑三片棗一個同煎至一

欽定四庫全書

全生指迷方

盞去滓溫服

厥證

論曰若暴厥卒然不知人事身脉皆動其狀如尸聽其
耳中如循嘯聲股間暖由邪氣折于手少陰太陽足陽
明之絡五絡俱竭腎氣微少精血奔氣促迫上入胸膈
宗氣反聚血結心下陽氣下墮陰氣卒上而不交陰陽
離居身溫而汗出氣復反則唇青身冷此為入藏即死
謂之尸厥先以竹管吹左耳極三度又吹右耳如前灸



熨斗熨兩脇以石菖蒲末著舌下及吹鼻中又刺足大
指內側爪甲去端如韭葉入一分留三呼隱白穴也出
之又刺足心湧泉穴如上法又刺足中指爪上令破如
上法謂厲兌穴也又刺手大指內側去端如韭葉又刺
手心主謂中衝穴也又刺掌後銳骨之端謂神門穴也
又剔取頭左角之髮燒灰酒服方寸匕不能飲灌之後
宜太一精神丹

太一精神丹

方缺

欽定四庫全書

全生指迷方

若居常無苦忽然如死身不動默默不知人目閉不能
開口噤不能語又或似有知而惡聞人聲或但如眩冒
移時乃寤此由亡汗過多血少氣併血中氣血爭陰陽
亂氣過血還則陰陽復通而人乃寤謂之鬱冒血厥此
證多生婦人男子亦有之白微湯倉公散主之

白微湯

白微

當歸

各一兩

人參

半兩

甘草

一分

右為散每服五錢水二盞煎至一盞去滓溫服



倉公散

瓜蒂

藜蘆

礬石

火煨一伏時研雄黃研

右等分為末以豆大吹鼻內醒為度

若卒然昏冒無所知或妄言語此由暴驚心無所倚神無所歸久不治陰陽相併或陰氣併陽陽氣併陰令人九竅閉塞狀類尸厥菖蒲散主之

菖蒲散

石菖蒲

兩一

麝香

研一錢

欽定四庫全書

全生指迷方

右為細末酒調服二錢或飲亦得

若忽然癡瘖瞋目不能語喉中有聲大便不通胸滿欲嘔或惡人聲聞人聲則惕然而驚或時叫此得之暴驚氣積而不散伏痰聚于中脘濕積于脾久而脾氣既耗水氣乘之則風動四末宜先吐之以勝金丸次宜玉壺丸以大便利即止有熱則脉洪數此脾鬱于心鐵粉丸主之

勝金丸

方缺



玉壺丸 <small>方缺</small>	鐵粉丸	鐵粉 <small>二兩</small>	硃砂 <small>一兩</small>	牛黃 <small>研</small>	天竺黃 <small>研</small>	鉛霜 <small>研各半兩</small>	天南星 <small>炮一兩</small>	右為末薑汁煮糊為丸如梧桐子大生薑湯下五丸	若素無疾而暴得癰瘰發訖即如常經隔月日又復如	前由陰陽失其常度氣血相併也此謂之癰龍齒丸烏	鴉散獨活湯主之	欽定四庫全書	全生指迷方	龍齒丸	牛黃 <small>研</small>	麝香 <small>研各半錢</small>	羚羊角 <small>剉</small>	龍齒	龍骨	羊齒 <small>火煨赤各一分</small>	硃砂 <small>研半兩</small>	蛇退 <small>炒</small>	白僵蠶 <small>炒各一分</small>	右為末煉蜜和丸如梧桐子大飲下五丸臨卧服	烏鴉散	臘月烏鴉壹箇去足嘴大翅用麝香一錢填口內	以好紙通裹了再用鹽紙和泥團了候乾炭火燒
--------------------------	-----	----------------------	----------------------	---------------------	----------------------	------------------------	------------------------	----------------------	-----------------------	-----------------------	---------	--------	-------	-----	---------------------	------------------------	----------------------	----	----	--------------------------	-----------------------	---------------------	-------------------------	---------------------	-----	---------------------	---------------------



獨活湯	煙盡取出為末更入麝香一錢研和飲調方寸匕 日二服
獨活	一兩
細辛	一分 <small>去苗</small>
僵蠶	兩 <small>炒半</small>
牡丹皮	三分
防己	兩 <small>半</small>
紫苑	一分 <small>去苗</small>
右為散每服五錢水二盞煎至一盞去滓溫服	
若病人喜怒不常獨閉戶牖而處惡聞人聲者蓋陽氣 常動因暴折而難決肝膽氣鬱而不伸故令喜怒謂之	
欽定四庫全書	
全生指迷方	
陽厥宜鐵落飲無食肉及菖蒲散	
鐵落飲	方缺
菖蒲散	見前
若言語不避親疎或棄衣而走登高而歌此思慮用心 太過神散不藏又或悲哭忽忽不樂神有餘則笑為狂	
勝金丸主之神不足則悲露朱丹主之	
勝金丸	方缺
露朱丹	



好硃砂

一兩
碎

右用真琉璃器盛之露四十九夜陰雨不算數研細

入牛黃半錢研和滴熟蜜珠子丸如梧桐子大空

心人參湯下一粒

若首腫頭重足不能行發則眇仆此太陽厥也烏頭湯

主之

一

烏頭湯

見前
運門

若喜怒噎痛不肉食氣奔走上刺足下中央之脉血出

欽定四庫全書

全生指迷方

而止

痰飲

論曰若咽中如炙肉嚙嚙之不下吐之不出由胃寒乘

肺肺胃寒則津液聚而成痰致肺管不利氣與痰相搏

其脉澀半夏厚朴湯主之

半夏厚朴湯

半夏

湯洗七
遍五兩

厚朴

去皮薑汁
塗炙三兩

茯苓

紫蘇葉

各二
兩

右為散每服五錢水二盞生薑十片同煎至一盞去



滓食前溫服

枳朮湯 艾元英如宜方云若心下如盤邊如旋盤由

飲癖停留不散

白朮

兩四

枳實

鈇炒去
瓢二兩

右為散每服五錢水二盞煎至一盞去滓食前溫服

若腹滿按之沒指隨手而起餘與正水皆同但四肢聶

聶動其脉亦浮由肺氣久虛為風邪所客氣不得運百

脉閉塞氣結陰聚成水謂之皮水亦宜發汗先以防已

欽定四庫全書

全生指迷方

湯次以大豆散

防己湯

防己

兩三

人參

兩四

桂心

兩二

茯苓

兩四

右為散每服五錢水二盞煎至一盞去滓溫服

大豆散

方缺

若咳嗽喘不得卧面浮腫脉弦急或遲由肺胃停寒水

聚成飲支乘于心氣不得下謂之支飲宜先用十棗湯

瀉之後宜防己湯主之



十棗湯	芫花 <small>炒</small>	甘遂	大戟 <small>各等分</small>	大棗 <small>十枚</small>
右先煮棗去滓內前藥末強人服一錢虛人服五分 若病不除再服得快下為度後以糜粥自養	防己湯 <small>見前</small>	消證	論曰消渴之病其來有二或少服五石湯丸恣慾不節 不待年高氣血衰耗石性獨存火烈焦槁精血涸竭其	欽定四庫全書 全生指迷方
狀渴而肌肉消又有積久飲酒酒性酷熱薰蒸五藏津 液枯燥而血澀其狀渴而肉不消如解五石毒者宜嬰 粟湯欲止渴者宜兔絲子丸大渴而加煩熱者宜馬通	散栝樓粉	嬰粟湯 <small>見前痺證門</small>	兔絲子丸	兔絲子 <small>不計多少揀淨水淘酒浸三宿</small>
右控乾乘潤搗羅為散焙乾再為細末煉蜜和丸如				



梧桐子大食前飲下五十粒一日二三服或作散

飲調下三錢 瑣碎錄云用酒浸晒于日中三兩

日一換酒用時洗去酒濃煎湯飲

馬通散

缺方

栝樓粉

缺方

若其人素渴引水一旦不飲不渴小便日夜數十行氣

乏肉消脫此消中腎氣敗也茱萸丸主之

茱萸丸

欽定四庫全書

全生指迷方

茯苓

洗切酒
浸焙

五味子

炒

山茱萸

乾山藥

分等

右為末酒糊為丸如梧桐子大飲下三十粒空心服

疸病

論曰黃疸之病皆屬于脾脾屬土而色黃惡濕濕勝則

土氣不行而鬱故發則真色見蓋黃疸本得之濕瘀熱

在裏濕熱相搏身必發黃若先有留熱而後為濕氣所

加則熱多而濕少治之先導其熱若先為濕氣所乘而

後有熱則濕多而熱少治之先去其濕去其濕則熱從



<p>而去亦有因冷痞結陰加于陽上下氣不通而脾氣不行則陰氣鬱而生濕其狀胸中痞嘔逆時惡寒當先除痞利其小便則濕自去脉洪大大便利加渴者死脉微小小便不利不渴者生若病人一身悉黃四肢微腫胸滿不得卧汗出如黃蘗汁此由大汗出卒入水中所致</p>
<p>苦酒湯主之</p>
<p>苦酒湯</p>
<p>黃耆 <small>五兩</small> 芍藥 桂 <small>取心各三兩</small></p>
<p>欽定四庫全書 全生指迷方</p>
<p>右為散每服五錢水一盞半苦酒半盞同煎至一盞去滓溫服</p>
<p>若因他病未除忽然一身面目悉黃如橘癢熱在裏也或因大熱以冷水洗之濕熱相搏薰蒸肌肉謂之黃疸藥皮湯主之茵陳五苓散主之</p>
<p>藥皮湯</p>
<p>黃蘗 黃連 黃芩 <small>各等分</small></p>
<p>右為散每服五錢水一盞半煎至一盞去滓溫服</p>



茵陳五苓散	茵陳 <small>一兩</small>	豬苓	茯苓	白朮 <small>炒各十銖</small>
	澤瀉 <small>一兩半</small>	桂心 <small>兩半</small>		
	右為散每服五錢水一盞半煎至一盞去滓溫服			
	若心下懊痛足膝脛滿小便黃面發赤斑由大醉當風			
	入水濕加于熱內蒸脾氣謂之酒疸治屬飲家茯苓半			
	夏湯主之			
	茯苓半夏湯			
	欽定四庫全書			
	全生指迷方			
	茯苓 <small>四兩</small>	半夏 <small>二錢半湯洗七徧</small>	旋覆花 <small>三錢</small>	
	甘遂 <small>剉末炒一錢</small>			
	右呶咀水二盞煎至一盞去滓將甘遂末分二服用			
	藥汁半盞調服以利為度			
	若脉浮腹滿欲嘔吐者先吐之瓜蒂散主之脉沈腹滿			
	大便秘先利之大黃丸主之			
	瓜蒂散			
	瓜蒂	赤小豆	秫米 <small>等分</small>	



欽定四庫全書

全生指迷方卷四

宋 王貺 編

效嗽

論曰古書有效而無嗽後人以效嗽兼言之者蓋其聲響亮不因痰涎而發謂之效痰涎上下隨聲而發謂之嗽如水之激蕩能激其氣也諸效之原其來雖各不同其氣必至于肺而後發若非其時感邪而發效者固因藏氣虛弱抑或五行之氣內相剋制病作即治無使傳

欽定四庫全書

全生指迷方

注不即治之傳注他藏遂至不起然有因寒者因風者因熱者風寒從外至熱則從內起風寒則諸經自受其邪熱則臟腑薰蒸乘而為病風則散之寒則溫之熱則調之瀉之因風者惡風出風中則效甚因寒者遇寒則劇因熱者得熱則發若因外感風寒不即治之邪氣留淫日深攻傷藏氣一藏受極遂傳其所不勝如肺經受病久而不去效則右脇痛不可轉側遂傳之肝肝屬木肺屬金金剋木效引左脇不可卧卧則效劇遂傳之脾



脾土也為木來剋則大便鴨澹甚則癰瘕如癩狀次傳之腎腎屬水為土所剋則骨痿不能起于牀手足浮腫次傳之心則死若因葳氣自相薰蒸如心乘肺急補肺而瀉心補肺宜辛甘瀉心宜苦若脾熱薰肺但瀉其脾治以甘平調肺以辛溫謂之間傳學宜知此	
若肺效惡風脉浮小青龍湯主之	
惡寒脉緊杏子湯主之	
微弱者鍾乳丸主之	
欽定四庫全書	全生指迷方
惡熱咽燥脉數甚則咯血天門冬湯杏子湯主之 孫	
氏仁存活法秘方云肺效之狀喘息有音甚則咯血	
小青龍湯	見前寒證門
杏子湯	
杏仁	去皮尖
乾薑	
細辛	去苗
甘草	炙各半兩
五味子	各一兩
桂心	各一兩
右為散每服五錢水二盞棗一箇同煎至一盞去滓	
溫服痰多者加半夏半兩湯洗七徧	



人參	桂心 <small>取</small>	白茯苓 <small>各一兩</small>	麻黃
喉介介然如梗甚則咽喉腫痛脉浮惡風宜桂心湯			
桂心湯 孫氏仁存活法秘方云心欬之狀上引心痛			
惡熱脉疾小便赤澀茯苓湯主之			
惡寒時口噤脉緊大附子細辛湯主之			
若心欬脉浮惡風桂心湯主之			
者加阿膠半兩炒燥大便澀而喘加葶藶半兩			
右為散每服五錢水二盞煎至一盞去滓溫服欬血			
欬定四庫全書			
全生指迷方			
桑白皮	五味子	桔梗 <small>各半兩</small>	
天門冬 <small>去心</small>	紫菀 <small>去苗及枯燥者焙</small>	知母 <small>焙各一兩</small>	
天門冬湯	服		
右為細末鍊蜜和丸如梧桐子大飲下三十丸食前			
鍾乳丸			
鍾乳	銀石器內煮一伏時研一伏時一兩	紫菀 <small>去苗及枯燥者</small>	款冬花
黃耆 <small>各半兩</small>	桑白皮 <small>一分剉微炒</small>		



<p>貝母 <small>炒各半兩</small> 遠志 <small>去心</small> 甘草 <small>炙各一分</small></p>	<p>右為散每服五錢水二盞煎至一盞去滓溫服</p>	<p>附子細辛湯</p>	<p>附子 <small>炮去皮臍</small> 細辛 <small>去苗各半兩</small> 人參 菖蒲 <small>各一兩</small></p>	<p>五味子 <small>二兩</small> 甘草 <small>炙半兩</small></p>	<p>右為散每服五錢水二盞煎至一盞去滓溫服</p>	<p>茯苓湯</p>	<p>茯苓 麥門冬 <small>去心</small> 黃芩 <small>各一兩</small> 秦艽 <small>去土</small></p>	<p>欽定四庫全書 全生指迷方</p>	<p>柴胡 <small>去苗各半兩</small> 杏仁 <small>去皮尖一分</small></p>	<p>右為散每服五錢水二盞煎至一盞去滓溫服</p>	<p>若肝欬惡風脉浮弦射干湯主之 孫氏仁存活法秘</p>	<p>方云肝欬之狀欬則兩脇痛甚則不可轉側轉側兩</p>	<p>脇下滿</p>	<p>惡寒脉弦緊五味子煎主之</p>	<p>惡熱脉疾目赤頭眩百部丸主之</p>	<p>射干湯</p>
---------------------------------------------------------------------------	---------------------------	--------------	--------------------------------------------------------------------------------	----------------------------------------------------	---------------------------	------------	----------------------------------------------------------------------------	-------------------------	--------------------------------------------------------	---------------------------	------------------------------	-----------------------------	------------	--------------------	----------------------	------------



射干	麻黃	去根節 各半兩	五味子
半夏	湯洗七遍 各一兩	款冬花	二兩
甘草	炙半兩		
右為散每服五錢水二盞薑五片同煎至一盞去滓			
溫服			
五味子煎			
五味子	五兩	桂	取心 一兩
		川烏頭	炮去皮 臍一兩
右為末水五升煎至一升絞取汁用好蜜二兩再熬			
欽定四庫全書		全生指迷方	
成膏溫酒化彈子大食前服			
百部丸			
百部	八兩為 細末	生地黄	五斤取汁 熬成膏
右將地黄膏和百部為丸如梧桐子大飲下三十粒			
食後服			
若脾效惡風脉浮緩麻黃厚朴湯主之 孫氏仁存活			
法秘方云脾效之狀效則右脇下痛引肩背痛甚則			
不可以動動則效劇			



口中如含霜雪中腕隱隱冷惡寒脉緊弱溫中丸主之 大便堅從腹上至頭發熱脉疾茯苓丸主之	麻黃厚朴湯	厚朴 <small>去皮薑汁塗炙</small> 麻黃 <small>去根節</small> 杏仁 <small>去皮尖</small> 橘皮 <small>洗各一兩</small>	甘草 <small>炙</small> 半夏 <small>湯洗七遍各半兩</small>	右為散每服五錢冰二盞薑五片同煎至一盞去滓	溫服	溫中丸	欽定四庫全書	乾薑 <small>湯洗七遍</small> 半夏 <small>各一兩</small> 白朮 <small>二兩</small>	細辛 <small>去苗</small> 胡椒 <small>各半兩</small>	右為細末鍊蜜和丸如梧桐子大米飲下三十粒食	前服	茯苓丸	茯苓 黃芩 橘皮 <small>洗各一兩</small> 五味子	桔梗 <small>各半兩</small> 半夏 <small>湯洗七遍切薑汁浸焙三分</small>	右為細末鍊蜜和丸如梧桐子大米飲下三十粒食
--------------------------------------------	-------	---------------------------------------------------------------------------------------------	-----------------------------------------------	----------------------	----	-----	--------	-------------------------------------------------------------------	--------------------------------------------	----------------------	----	-----	----------------------------------	-----------------------------------------------------	----------------------



<p>後服</p> <p>若腎效惡風脉浮白前湯主之 孫氏仁存活法秘方</p> <p>云腎效之狀則腰背相引疼痛</p> <p>惡寒唾冷沫小便數脉緊椒紅丸主之</p> <p>惡熱骨間煩疼地骨皮湯主之</p>	<p>白前湯</p> <p>白前 細辛 川芎 五味子</p> <p>麻黃 芍藥 桂</p> <p>欽定四庫全書 全生指迷方</p>	<p>右為散每服五錢水二盞煎至一盞去滓溫服</p> <p>椒紅丸</p> <p>椒 款冬花 紫菀 乾薑</p> <p>礬石 附子 細辛 皂莢</p> <p>右為細末鍊蜜和丸如梧桐子大米飲下三十粒食</p>	<p>地骨皮湯</p> <p>地骨皮 百部 芍藥 赤茯苓</p>	<p>前服</p> <p>地骨皮</p>	<p>地骨皮</p>	<p>地骨皮</p>
-------------------------------------------------------------------------------------------------------	-------------------------------------------------------------------	--------------------------------------------------------------------------------------------------------	----------------------------------	----------------------	------------	------------



右為散每服五錢水二盞竹葉十片同煎至一盞去滓食後溫服

若顴骨赤大如錢日晡發熱者死若潮熱有時五心煩熱搏于榮衛不效者易治脉促瀉者難治青蒿煎柴胡

芍藥湯主之

青蒿煎

青蒿升 汁一

人參

麥門冬去心各一兩

右將二味為末用青蒿汁同熬成膏丸如梧桐子大

欽定四庫全書

全生指迷方

飲下二十粒食後服

柴胡芍藥湯

柴胡去苗

芍藥各一兩

地骨皮

石膏各半兩

右為散每服五錢水二盞小麥五十粒同煎至一盞

去滓食後溫服

若但嗜卧飲食不為肌膚或不能食心腹虛脹滑泄背脊牽急勞倦不能動止或因大病後或因下利後不復常得之于脾脉弦大甚則不治四肢煎厥亦謂之肉極



炙肝散白朮丸主之

炙肝散 見前氣
證門

白朮丸

白朮

橘皮

洗各
一兩

厚朴

去皮薑汁
塗炙焦

人參

各半
兩

右為細末鍊蜜和丸如梧桐子大米飲下三十九

若欬嗽如膿涕或微喘急短氣脇下痛皮膚乾燥動則

欬極由形寒飲冷傷于肺經久嗽不已則肺枯燥令人

欽定四庫全書

全生指迷方

先寒後熱脉弱者可治或緊或弦者不可治

喘證

論曰凡人一呼一吸謂之息呼出口肺吸入腎肝呼吸

之間脾受其氣則榮衛行陽二十五度行陰亦二十五

度而周身之氣無過不及若藏氣乘併則榮衛不能循

常氣過周身失度不能隨陰陽出入以成息故促迫而

喘諸氣併上于肺肺管隘則氣爭而喘也其始或因墜

墜恐懼恐則精却精却則上焦閉而氣不行氣不行則



留于肝肝乘于肺此喘出于肝也或因驚恐驚則心無
所倚神無所歸氣亂而氣乘于肺度水跌仆腎氣暴傷
此喘或出于心也或因腎氣乘肺此喘出于腎也或因
飽食過傷動作用力穀氣不流行脾氣逆而乘肺此喘
出于脾也團參散主之

若喘而發熱頸脉皆動日漸瘦削由客熱乘肺或因飲
食失宜氣不轉而氣急誤服熱藥火氣薰肺而遂喘頰
赤咽燥其脉細數治屬骨蒸小建中湯天門冬湯主之

欽定四庫全書

全生指迷方

團參散

人參 一兩

桑白皮 二兩剉炒

大腹皮 一兩剉炒

橘皮 洗

麥門冬 一兩去心各

吳茱萸 炒

檳榔 剉炒

芫花 炒

附子 炮去皮臍

澤瀉 各半兩

半夏 麩

桂心

杏仁 各一兩去皮尖研

枳實 麩炒去瓢半兩

白朮

訶子 炮去核各半兩

右為細末薑汁煮糊為丸如梧桐子大米飲下二十

粒食前服



若病人不卧卧而有所不安則喘者葢有所傷精有所	服	右為細末鍊蜜和丸如梧桐子大飲下三十粒食前	澤瀉	茯苓	大豆卷	桑皮	麥門冬	人參	生地黄	白朮	白朮丸	脾之絡脉外絕去外胃歸陽明白朮丸主之	胃氣道壅塞血無所行而散溢于脾精不化上不勝下	欽定四庫全書	全生指迷方	若喘欬時血出四肢懈怠脉浮大而沈由腎氣上并于	右為散每服五錢水二盞煎至一盞去滓溫服	天門冬	馬兜鈴	百部	天門冬	一盞去滓溫服	右為散每服五錢水二盞生薑三片棗一箇同煎至	芍藥	桂心	甘草	小建中湯
							<small>去心</small>		<small>焙</small>									<small>去心</small>		<small>各半</small>				<small>六兩</small>	<small>三兩</small>	<small>炙二兩</small>	



寄故不得卧而喘肺氣盛脉滿大也牡蠣散主之
牡蠣散

用左顧牡蠣文片色白正者二兩先杵為粗末以
甘鍋子盛火燒通赤放冷研為細末每服一錢濃
煎鯽魚湯調下不拘時服鯽魚重四兩者一箇去
鱗肚濃煎煎時不許動

若欬嗽欬逆倚息喘急鼻張其人不得仰咽中作水雞
聲時發時止由驚憂之氣畜而不散肺氣鬱或因過飽

欽定四庫全書

全生指迷方

勞傷氣上行而不能出于肺復遇寒邪肺寒則諸氣收
聚氣緩則息有所觸則發經久則不能治杏子散主之
及灸腎臑百壯

杏子散

杏仁 去皮尖熬炒
黃色研成膏

麻黃根 為末
等分

右研和煎橘皮湯調二錢匕

玉液散

人參

川芎

茯苓

桂心



<p>知母 貝母<small>炒</small> 杏仁<small>去皮</small> 葶蘆<small>炒</small></p>	<p>半夏<small>麩</small> 柴胡<small>苗去</small> 麻黃<small>去根節</small> 石膏<small>研炒</small></p>	<p>訶子<small>炮去核</small> 橘皮<small>洗</small> 白朮<small>各一兩</small> 甘草<small>炙</small></p>	<p>羌活 馬兜鈴<small>各半</small></p>	<p>右為末每服三錢水一盞半生薑三片棗一箇煎至</p>	<p>一盞去滓食前溫服</p>	<p>若喘息肺鳴而痿廢由有所失亡所求不得氣鬱而肺</p>	<p>熱葉焦上舉是謂肺痿阿膠丸主之</p>	<p>欽定四庫全書 全生指迷方</p>	<p>阿膠丸 天門冬<small>去心</small> 桔梗 生乾地黃<small>焙</small> 桑白皮<small>剉</small></p>	<p>栢子仁<small>炒研</small> 麥門冬<small>去心</small> 阿膠<small>剉炒燥</small> 甘草<small>炙</small></p>	<p>右為末鍊蜜和丸如彈子大每服一丸水一盞煎至</p>	<p>七分食後溫服</p>	<p>嘔吐</p>	<p>論曰嘔吐者由清濁不分中焦氣痞若心下牢大如杯</p>	<p>或時寒時熱朝食則暮吐暮食則朝吐關脉弦緊弦則</p>
---------------------------------------------------------------------------------	----------------------------------------------------------------------------------------------------	----------------------------------------------------------------------------------------------------	------------------------------------	-----------------------------	-----------------	------------------------------	-----------------------	-------------------------	---------------------------------------------------------------------------------------------	------------------------------------------------------------------------------------------------------	-----------------------------	---------------	-----------	------------------------------	------------------------------



<p>為虛緊則為寒虛寒相搏此名為格與關格同也是謂 反胃青金丹朴附丸主之</p>	<p>青金丹</p> <p>硫黃 水銀 木香<small>末</small></p>	<p>右將硫黃水銀二味同研令不見水銀星子為度合 木香再研用生薑汁煮糊為丸如梧桐子大米飲 下三粒食前服</p>	<p>朴附丸</p> <p>欽定四庫全書 全生指迷方</p>	<p>厚朴<small>去皮剉作小塊子</small> 附子<small>炮去皮臍剉作小塊子各一兩</small></p>	<p>生薑<small>八兩去皮取汁</small></p>	<p>右將二味以薑汁同煮汁盡為度焙乾為末酒煮和 丸如梧桐子大米飲下三粒食前服</p>	<p>若心下溫溫常欲嘔聞食吐酸由宿寒在胃不能運水 穀中腕成痰其關弦脉小而短白朮丸大半夏湯主之</p>	<p>白朮丸 史載之指南方無橘皮</p>	<p>白朮<small>三兩</small> 半夏<small>湯洗七兩</small> 橘皮<small>洗</small> 乾薑<small>各三兩</small></p>
---------------------------------------------	--------------------------------------------	----------------------------------------------------------------	--------------------------------	---------------------------------------------------------------	--------------------------------	------------------------------------------------	--------------------------------------------------------	----------------------	------------------------------------------------------------------------------------------



丁香 <small>一兩</small>	右為細末薑汁煮糊為丸如梧桐子大薑湯下三十
丸食前服	
大半夏湯	
半夏 <small>一升</small>	人參 <small>一兩</small>
白蜜	
右為末每服三錢水一盞煎至半盞加白蜜少許食	
前服	
若心下汪洋嘈煩頭目時痛胸中不利或嘔膽汁大便	
欽定四庫全書	全生指迷方
或利或秘喜渴此中脘伏痰旋覆花丸主之	
旋覆花丸	<small>見前熱證門</small>
若心下虛滿不入飲食時時欲嘔嘔無所出懣懣短氣	
由他病瘥後復為寒邪傷氣氣寒則不能食胃無穀氣	
以養其脉微弱大藿香散主之	
大藿香散	
藿香葉	人參
茯苓	桔梗
桂心	木香
白朮	<small>各半兩</small>



半夏 <small>湯洗七徧為末半兩 薑汁和成餅子陰乾 枇杷葉 十片刷 去毛</small>	右為末每服三大錢水一盞炒薑絲一分與藥同煎 至七分去滓食前溫服 劉孟容瑣碎錄名藿香	湯	若心下煩不喜熱物得熱即嘔喜渴由胃受邪熱胃熱 則氣濁陰陽渾亂其脉虛數或細而疾竹茹湯主之	竹茹湯	竹茹 橘皮 甘草 半夏	欽定四庫全書 全生指迷方	麥冬 赤茯苓 枇杷葉 人參	右加薑棗煎胃寒去竹茹麥冬加丁香實火去人參	若心下悶亂嘔吐不止卧起不安手足躁擾水漿不下	由冷熱不和邪正相干清濁不分陰陽錯亂喜冷者因	熱惡冷者因寒名曰霍亂其脉弦大者寒也大理中湯	半硫丸主之其脉數疾者熱也小藿香散青金散主之	大理中湯 <small>方缺</small>	半硫丸
---------------------------------------------------------------	---------------------------------------------	---	-----------------------------------------------	-----	-------------	-----------------	---------------	----------------------	-----------------------	-----------------------	-----------------------	-----------------------	---------------------------	-----



<p>半夏 <small>湯洗七徧 焙為末</small></p> <p>硫黃 <small>研等分</small></p>	<p>右研細生薑汁煮糊為丸如梧桐子大米飲下三十粒</p>	<p>小藿香散</p>	<p>丁香</p> <p>枇杷葉 <small>去毛</small></p> <p>乾葛</p> <p>赤茯苓</p>	<p>藿香葉</p> <p>甘草 <small>炙等分</small></p>	<p>右為末每服三錢水一盞生薑三片同煎至一盞去滓溫服</p>	<p>欽定四庫全書</p> <p>全生指迷方</p>	<p>青金散 <small>方缺</small></p>	<p>若卒然嘔吐胸中痞悶氣不下行由飲食過傷胃氣滯而不轉胃中為濁逆行則吐其脉沈疾金汁丸主之</p>	<p>金汁丸 <small>方缺</small></p>	<p>若痛而嘔者此寒氣客于腸胃腸胃得寒則聚沫聚沫則痛痛則氣逆逆則津液反出而嘔其脉緊細而滑粳米湯主之</p>	<p>粳米湯</p>
--------------------------------------------------------------------	------------------------------	-------------	-------------------------------------------------------------	-----------------------------------------	--------------------------------	----------------------------	------------------------------	--------------------------------------------------	------------------------------	-------------------------------------------------------	------------



<p>附子 <small>炮去皮臍切</small></p> <p>半夏 <small>湯浸七徧切</small></p>	<p>甘草 <small>炙剉碎</small></p> <p>陳粳米 <small>二兩</small></p>	<p>右拌和分作十二服每服用水三盞薑十片同煎至一盞去滓溫服</p>	<p>若因嘔而噦者吳茱萸丸主之</p>	<p>吳茱萸丸</p>	<p>吳茱萸 <small>炒一兩</small></p> <p>橘皮 <small>洗二兩</small></p> <p>附子 <small>炮去皮臍半兩</small></p>	<p>右為細末白麪糊為丸如梧桐子大飲下二十粒食</p>	<p>欽定四庫全書</p> <p>全生指迷方</p>	<p>前服</p>	<p>小便 <small>附大</small></p>	<p>論曰小腸為受盛之府傳導水液若始覺小便微澀赤</p>	<p>黃漸漸不通小腹膨脹由心經蘊熱傳于小腸小腸熱</p>	<p>則滲于脬中脬辟而系轉診心脉大而牢蒺藜散主之</p>	<p>石葦湯主之</p>	<p>蒺藜散</p>	<p>裹茶蒺藜 <small>一兩</small></p> <p>燒灰</p> <p>滑石 <small>半兩</small></p> <p>研</p>
---------------------------------------------------------------	-----------------------------------------------------------	-----------------------------------	---------------------	-------------	--------------------------------------------------------------------------------------------	-----------------------------	----------------------------	-----------	-----------------------------	------------------------------	------------------------------	------------------------------	--------------	------------	------------------------------------------------------------------------------



右為細末沸湯浸服或小便暴不通點好茶一杯生油三兩點飲之

石葦湯

石葦去毛剉 車前子剉車前葉亦可等分

右濃煮汁飲之若腹脹溼洩不得好卧屈膝陰縮腫

此厥陰之厥加赤茯苓黃芩分兩如前

若卒暴小便不通臍腹膨急氣上衝心悶絕欲死由忍

尿勞役或從驚恐氣無所伸乘併膀胱氣衝脬系不正

欽定四庫全書

全生指迷方

診其脉右手急大葱白湯主之

葱白湯

橘皮洗三兩切 葵子一兩 葱白三莖切

右以水五升煮取二升分三服

固脬丸

茴香炒一兩 桑螵蛸炒半兩 附子炮去皮臍半兩

兔絲子揀淨酒浸一宿乘潤搗爛焙乾二兩 戎鹽炒一分

右為細末煮糊為丸如梧桐子大飲下三十粒空心



<p>服</p>	<p>若小便純血血下則凝亦無痛處惛惛短氣由陽氣不固陰無所守五液注下其脉散濇欲絕而身冷者死菴蓉丸主之</p>	<p>菴蓉丸 史載之指南方治虛勞溺血加桑螵蛸半兩</p>	<p>炙焦酒糊為丸鹽湯下</p>	<p>兔絲子 <small>揀淨酒浸一宿</small> 肉菴蓉 <small>洗切</small> 乾地黄</p>	<p>鹿茸 <small>去毛截片</small> 酥炙等分</p>	<p>欽定四庫全書 全生指迷方</p>	<p>右為細末煮糊為丸如梧桐子大飲下三十粒空心服</p>	<p>若大腸為傳導之官變化出焉如大便不通者津液燥也慎無以烈藥宜紫蘇丸主之</p>	<p>紫蘇丸</p>	<p>紫蘇子 <small>去皮</small> 橘皮 <small>洗各</small> 知母 <small>一兩</small></p>	<p>右為末用生薑汁調成稀膏於重湯上煮不住手攪候可丸如梧桐子大蜜湯下三十粒</p>
----------	-------------------------------------------------------	------------------------------	------------------	------------------------------------------------------------	------------------------------------	---------------------	------------------------------	------------------------------------------	------------	------------------------------------------------------------------------	-------------------------------------------



<p>婦人科</p>	<p>四物加桂湯 治忽然寒熱</p>	<p>川芎 當歸<small>洗</small> 芍藥 地黄<small>焙</small></p>	<p>桂心<small>分等</small></p>	<p>右為散每服五錢水二盞煎至一盞去滓溫服 史</p>	<p>載之指南方內有川芎</p>	<p>葶藶丸 治先因小便不利後身面浮腫致經血不行</p>	<p>此水乘于血名曰水分</p>	<p>欽定四庫全書 全生指迷方</p>	<p>甜葶藶<small>炒</small> 續隨子<small>去皮研</small> 乾笋<small>一兩</small></p>	<p>右為細末熟棗肉和丸如梧桐子大煎扁竹湯下七</p>	<p>粒如大便利者減葶藶續隨子各一分加白朮半</p>	<p>兩食後服</p>	<p>牡丹丸 治經候時行時止或淋漓不斷腹中時痛其</p>	<p>脉沈澀由寒熱邪氣客于胞中留而為血滯當有所去</p>	<p>乃愈</p>	<p>大黃<small>蒸</small> 附子<small>炮</small> 茯苓 牡蒙<small>去臍</small></p>
------------	--------------------	----------------------------------------------------	----------------------------	-----------------------------	------------------	------------------------------	------------------	-------------------------	----------------------------------------------------------------------	-----------------------------	----------------------------	-------------	------------------------------	------------------------------	-----------	---------------------------------------------------------------------



他病治之	食臭但嗜一物或大吐時吐清水此名惡阻慎毋作	大而六位俱勻謂之陰搏陽有子也精神如故惡聞	人參白朮散 治婦人經候不來身如病而無病脉滑	右以水一盞同煎取一半去滓分二服	小薊莖葉 <small>洗切研取汁一盞</small>	生地黃汁 <small>一盞</small>	白朮 <small>半兩</small>	收也	陽搏為熱所乘傷于衝任血得熱則流散衝任不能	欽定四庫全書	全生指迷方	小薊湯 治經候過多遂至崩漏色鮮明如水下得溫	則煩至于昏悶其脉數疾微小為順大者逆由陰虛	至二十粒食後服	右為細末煉蜜和丸如梧桐子大酒下十粒未知加	乾薑 <small>桂半兩</small>	取心各	細辛 <small>去苗一兩半</small>	吳茱萸 <small>炒</small>	柴胡 <small>去苗</small>	厚朴 <small>去皮薑汁塗炙</small>	人參	當歸 <small>洗焙各半兩</small>	椒 <small>去目炒出汗</small>	牡丹皮	桔梗	甜葶藶 <small>炒各二兩</small>	芎藭
------	----------------------	----------------------	-----------------------	-----------------	-----------------------------	------------------------	----------------------	----	----------------------	--------	-------	-----------------------	----------------------	---------	----------------------	-----------------------	-----	-------------------------	----------------------	----------------------	--------------------------	----	-------------------------	------------------------	-----	----	-------------------------	----



<p>白朮<small>一兩</small> 人參<small>兩半</small> 丁香 甘草<small>一分</small></p>	<p>右為末每服三錢水一盞生薑三片同煎至七分去滓食前溫服</p>	<p>秦艽散 治胎動不安</p>	<p>秦艽 阿膠<small>炒</small> 艾葉<small>分等</small></p>	<p>右為散每服五錢水二盞糯米百粒同煎至一盞去滓溫服</p>	<p>白朮散 治妊娠面目腫如水狀</p>	<p>欽定四庫全書 全生指迷方</p>	<p>橘皮<small>洗</small> 大腹皮 茯苓 生薑<small>各半兩</small></p>	<p>白朮<small>一兩</small></p>	<p>右為末飲調方寸匕食前服</p>	<p>兔血散 治難產最要臨產服之</p>	<p>臘兔血</p>	<p>右用蒸餅切片子蘸血陰乾為末煎乳香湯調服二錢</p>	<p>半夏散 治胎死腹中其母面赤舌青者是</p>
-----------------------------------------------------------------------	----------------------------------	------------------	--------------------------------------------------	--------------------------------	----------------------	-------------------------	-------------------------------------------------------	----------------------------	--------------------	----------------------	------------	------------------------------	--------------------------



百脉中如以針刺此大有畜血留于經絡	沒藥丸 治惡路方行忽然斷絕驟作寒熱臍腹大痛	右為散每服五錢水二盞煎至一盞去滓食前溫服	桑寄生 木通 各二兩 大黃 一兩	麝香 升麻 獨活 連翹	木香 丁香 沈香 乳香	五香湯治同前	行即住服	欽定四庫全書 全生指迷方	右為散每服五錢水二盞煎至一盞去滓溫服惡路	水蛭 炒各三枚	蘇木 地黄 桃仁 各半兩 去皮尖炒	癰腫	如錐刀刺此留血于經絡不即通之大有痛處必作	桃仁湯 治惡路頓絕或漸少腰重痛下注兩股刺痛	右為末溫酒調下一錢不能酒用湯亦治橫生逆產	半夏 湯洗七遍薄切片 薑汁浸三日炒乾
------------------	-----------------------	----------------------	------------------	-------------	-------------	--------	------	--------------	----------------------	---------	-------------------	----	----------------------	-----------------------	----------------------	--------------------



當歸	兩	焙一	桂心		芍藥	兩	各半	沒藥	分一		
桃仁	研一分	去皮尖炒			蝨蟲	去頭足	翅炒				
水蛭	十枚	炒各三									
右為細末醋糊為丸如梧桐子大醋湯下三丸											
皂角散											
治乳婦吹奶由哺兒時鼻氣冲乳孔中忽然											
腫硬痛急用手揉服皂角散瓜萋散及敷藥不即治											
之結癰膿能殺人											
皂角	研	燒細	蛤粉	分	研等						
欽定四庫全書											
全生指迷方											
右研細熱酒調一字或半錢急以手揉之取軟為度											
瓜子湯											
治腸頭如以針刺連穀道又因痔痛小便如											
淋狀時寒時熱此由產時用力氣併腸間亦由陰虛											
邪熱乘客留聚腸間熱結恐成腸癰											
袁當時大方											
云崔左丞屢用有效											
薏苡仁	兩	炒四	桃仁	尖	去皮	牡丹皮	兩	各三	瓜子	兩	一
右為末每服五錢水二盞煎至一盞去滓溫服											



								欽定四庫全書												
								全生指迷方												

